



16. Tschanteda dal cussagl cumünel in marculdi, ils 14.8.2013 a las 19.00 in chesa cumünela S-chanf

Presidi: Duri Campell

Preschaints: Gian Fadri Largiadèr, Paolo Bernasconi

Absaints: Gian Andrea Bott, Ines Barblan

Actuar: Duri Schwenninger

Tractandas:

1. Protocol
2. 0.211 Dumandas da fabrica
3. 7.000 Reservuar Quedras, surdeda lavuors sanitarias e d'isolaziuns
4. 7.100 Schlargiamaint Chauntaluf, surdeda furniziun glüschs igluminaziun publica
5. 7.100 Schlargiamaint Cinuos-chel / Tulait, surdeda furniziun glüschs igluminaziun publica
6. 0.212 Dumanda sgüraunza d'invalids, spordscher plazza da giarsunedi assistenta da büro
7. 9.999 Varia

La glista da tractandas vain approveda cun piglier sü la tractanda regard üna plazza da giarsunedi d'assistenta da büro accumpagneda da la sgüraunza d'invalids.

Protocol: Il protocol da la tschanteda dals 07.08.2013 vain approvo unanimamaing.

130 7.000 Provedimaint d'ova Reservuar Quedras, surdeda lavuors sanitarias e d'isolaziuns

Per fer la lavur da sanitari e la lavur d'isolaziuns in connex cun la sanaziun dal reservuar Quedras s'ho trat aint offertas. Il cussagl piglia cugnuschentscha da las offertas chi sun entredas e decida unanimamaing da surder la lavur da sanitari a la firma Pinggera SA da S-chanf per l'import offert da fr. 50'819.85 e la lavur d'isolaziun a la firma Etertub da Bilten per l'import offert da fr. 72'07380. Tar la surdeda s'ho resguardo l'offerta la pü favuraivla tenor ledscha da submissiun.

**131 7.100 Chanalisaziun/sarinera
Schlargiamaint Chauntaluf, surdeda furnizium glüschs
iglüminaziun publica**

Il cussagl piglia cugnuschentscha da la proposta e l'offerta per munter las glüschs per l'iglüminaziun publica in Chauntaluf. Il cussagl decida unanimamaing da surder la furnizium da las glüschs a la firma RePower SA da Bever per l'import offert da fr. 25'468.85.

**132 7.100 Chanalisaziun/sarinera
Schlargiamaint Cinuos-chel/Tulait, surdeda furnizium glüschs
iglüminaziun publica**

Eir tal proget schlargiamaint da l'infrastructura a Cinuos-chel/Tulait es avautmaun üna proposta scu eir ün'offerta per glüschs per l'iglüminaziun publica. Il cussagl decida eir co da surder la furnizium da las glüschs a la firma RePower SA da Bever per l'import offert da fr. 14'492.75.

**133 0.212 Persunel
Dumanda sgüraunza d'invalids, spordscher piazza da giarsunedi
assistenta da büro**

Il cussagl piglia cugnuschentscha da la dumanda da la sgüraunza d'invalids, scha noss'administraziun cumünela vess interess da spordscher ad üna giuvna indigena üna piazza da giarsunedi scu assistenta da büro. La giuvna gniss accompagneda tres il giarsunedi d'ün coach da mister da la sgüraunza. La sgüraunza bunifichescha a la vschinauncha da S-chanf ün import per di da lavur per la prontezza da der ad üna persuna giuvna l'occaiun da frequenter üna scolaziun. Il cussagl decida unanimamaing d'impiegher in üna prüma fasa a Selina Tobler da S-chanf cun ün temp da prova dad 1 mais cun l'opziun cha vain fat ün contrat da giarsunedi.

134 9.999 Varia

Il president orientescha cha la Regenza grischuna ho decis da resguarder 3 candidaturas pel center naziunel da sport da naiv, nempe quella da S-chanf, quella da Tavo e quella da Lai e d'inoltrer quellas al departamaint federel.

Il president orientescha chi vain mno tres quist an la visita dals terms. Quella ho lö in sanda, ils 14 settember 2013.

A las 20.05 vain la tschanteda alveda.

In buna fè

L'actuar:
D. Schwenninger